

永樂大典

卷一萬一百十五

永樂大典卷之一萬一百十五

二紙

旨

翰林學士承旨

文獻通考唐憲宗時始置凡白麻制諸官內庭代言命輔臣除節將恤災患討不廷

則用之宰臣於正衙受付通事舍人若命相之書則通事舍人承旨皆宜讀訖始下有司乾寧二年陸康以翰林學士承旨拜中書侍郎平章事職官分紀唐百官志學士之職本以文學言語被顧問出入侍從因得參謀議納諫諍其禮尤寵而翰林院者待詔之所也唐制乘輿所在必有文詞經學之士下至卜醫伎術之流皆直於別院以備宴見而文書詔令則中書舍人掌之自太宗時名儒學士時時召以草制然猶未有名號乾封以後始號北門學士玄宗初置翰林待詔以張說陸堅張九齡等為之掌四方表疏批荅應和文章既而又以中書務判文書多壅滯乃選文學之士號翰林供奉與集賢院學士分掌制詔書敕開元二十六年又改翰林供奉為學士院專掌內命凡拜免將相號令征伐皆用白麻其後選用益重

永樂大典卷萬百五

而禮遇益親至號為內相又以為天子私人凡充其職者無定員自諸曹尚書下至校書郎皆得與選入院一歲則遷知制誥未知制誥者不作文書班次各以其官內宴則居宰相之下一品之上憲宗時又置學士承旨唐之學士弘文集賢分隸中書門下省而翰林學士獨無所屬故附列於此云李肇翰林志昔宋昌有言曰所言公公言之所言私王者無私夫翰林為樞機有蔽之地其所慎者事之微也若制置任用則非王者之私漢制尚書郎主作文書起草更直於建禮門內臺給青縑白綾或以錦被帷帳氈褥畫通中統大官供食湯官供餅餌五熟果五日一美食下天子一等建禮門內得神仙門神仙門內得明光殿神仙殿內得省中內得省中一本作日門下省中書省蓋與今翰林之制畧同而所掌輕也漢武帝時嚴助承買唐吾丘壽王司馬相如東方朔枚舉之徒皆在左右是時朝廷多事中外論難大臣數詘亦其事也唐與太宗始於秦府開文學館惟房玄齡杜如晦等一十八人皆以本官兼學士給五品珍膳分為三番更直宿於閣下討論墳典時人號為登瀛洲正觀初置弘文館學士聽朝之儀引入內殿講論文義商較時政或夜分而罷至玄宗朝置麗正殿學士名儒大儒皆在其中後改為集仙一無集仙二字集賢殿亦草書詔至翰

林置學士集賢書詔乃罷初國朝循梁陳故事中書舍人六員專掌詔詰雖曰禁省猶非密切故温大雅魏徵李百藥岑文本褚遂良許敬宗上官儀時名草制未有名號乾封已後始曰北門學士劉懿之劉禕之周思茂元萬頃范履冰為之則天朝則蘇味道韋承慶其後上官昭容獨掌其事睿宗朝則薛稷賈膺福崔湜玄宗朝初改為翰林侍詔張說陸堅張九齡徐安貞相繼為之又改為翰林供奉開元二十六年劉光謙張垆乃為學士始別建學士院于翰林院之南又有韓絳自作相關伯璵一本作與孟匡朝陳兼李白蔣鎮在舊翰林院雖有其名而不職其事至德之後翰林院始兼學士之名代宗初李泌為學士而今壁記不列名氏蓋以不職事故也德宗雅尚文學注意是選乘與每幸學士院顧問錫賚無所不至御饌珍羞輟而賜之又嘗召對於浴室門移院於金鑿殿對御起草賦詩唱和或旬日不出吳通微兄弟同時擢用與陸贄爭恩甚於水大天下醜之貞元末寄任尤重時人謂之內相而上多疑忌動必拘防有守官十三考而不遷者故當時言內職者多榮帶相半及順宗不擇儲位未立王叔文起於非類竊學士之名內連牛美人李忠言外結奸黨取兵柄弄權天下震駭是時鄭絪為內庭之老首定大計今上即位授絪中書侍郎平章事

永樂大典卷之萬百十五

二

初姜公輔行在命相及絪就第而拜至李吉甫除中書侍郎平章事通與裴垍同直垍草吉甫制而吉甫草武元衡制垂簾揮翰兩不相知及暮吉甫有歎惋之聲垍終不言書麻尾之後乃相慶賀禮絕之致生於座中犁明院內使學士送至銀臺門而相府官吏候于門外禁署之盛未有也凡學士無定員皆以他官充下至校書郎上至諸曹尚書皆得為之既入與班行絕迹不拘本司不繫朝謁常參守官二周為滿歲則遷知制誥一周歲為遷官則奏就本司判記上月日北省官宰相送上南省官給舍丞郎送上興元元年勅翰林學士朝服班序宜准諸司官知制誥例凡初遷者中書門下召令右銀臺門候旨其日入院試制書批荅共三道詩一首自張仲素後加賦一首試畢封進可者翌日受宜乃定事下中書門下於麟德殿候對本院賜宴管幕使宿設帳幄褥尚食使供珍饌酒坊使供美酒是為勅設序立拜恩訖然後然後一作候子就宴又賜衣一副絹三十疋飛龍司借馬一疋旬日又進舊文章一帙一本作旬日又進文一物內庫給青綺錦被錦元作錦青綺無綿被錦元作錦一本無此五字青綺方襜青綾單幘漆通中枕銅鏡漆奩象篋大小銅荷碗椅一作箭象梳漆箱銅掌羅一本銅箭枕在此下紫絲履白布手中衣架畫水床一本作畫水

永樂太子爐出一本作爐二子案席氈褥之類畢內諸司供膳飲之物
主膳四人掌之及內園官一戶三人以供使令其所乘馬迎送於辨仗門
內橫門之西度支月給予力資四人人錢三十五百四品已上加一人每
歲內賜春服物三十疋暑服物二十疋寒服物三十疋綿十疋寒食節絹
絹一作料三十疋酒餽杏酪粥屑肉哨清明新火二社蒸餅饅餅端午
水一副金花銀器一事百索一軸青團縷竹大翁一柄角樓三服鈔案重
陽酒糖粉餅葉至冬歲酒兔野雞其餘時果新茗水瓜新脣是為經制直
日就院頒授下直就第賜之凡內宴坐次於宰相坐居一品班之上別賜
酒食珍果與宰相同賜錦二十疋錦一本作布金花銀器一事貞元四年
初每晦日上巳重陽三節百寮宴樂翰林學士每節賜錢一百緡其日奏
出選勝遊會賜酒脯茶果明年廢晦日置中和節宴樂如之非凶旱兵革
則每歲為常凡元正冬至不受朝俱進名奉賀犬忌進名奉慰其日尚食
供素饌賜茶十串凡郊廟大禮東輿行幸皆設幕次于御幄之側侍從親
近人臣第一御舍元殿丹鳳樓則二人於官中乘馬隨隨一本作引駕出
殿門徐出就班次凡當直之法法一作次自給舍丞郎入者三直無瀑自
起居侍御郎官入五直一瀑自御史補闕拾遺入者七直二瀑其餘雜入

永樂大典卷一萬一百十五

者十直三瀑新選官一直假假各於准式之中一本作假假各於式之中
減半著為別條例題于北廳之西閣一無別字凡交直俟內朝
之退不遇辰巳入者先之出者後之疎數視人之衆寡事之勞逸隨時之
動靜凡節國忌授衣二分田假之令不需有不時而集併夜而宿者五
代職官志後唐明宗天城三年八月初掌綸之任擢才以居或自初命而
升或自顯秩而授蓋重厥職靡繁其官雖事分皆同而行綴或異誠由往
日未有定規議官位則上下不常論職次則後先為當宜行顯命以正近
班今後翰林學士入院並以先後為定唯承旨一員出自朕意不計官資
先後在學士之上仍編入翰林志其年十一月初新除翰林學士張昭遠
早踐綸閣久司史筆曾居憲府累涉貳卿今既擢在禁林所宜別宣班序
其立位宜次崔枕晉天福五年詔曰六典云中書舍人掌侍奉進奏議
表章凡詔旨制敕璽書策命皆案故事起草進奏既下則署而行之其禁
有四一曰漏泄二曰稽緩三曰違失四曰志誤所以重王命也古昔已來
典實斯在爰從近代別創新名今運屬興王事從師古俾仍舊貫以權前
規其翰林學士院公事宜並歸中書舍人從宰相馮道之奏也自是舍人
直直者當直書制夜直者當直書制生開運元年復詔曰翰林學士與中書

舍人分為兩制各置六員偶自近年權倖內署况司招命必在深嚴將使
從宜却仍舊貫宜復置學士院蓋宰臣桑維翰秉政將廢於道故乃復焉
自此班秩再有倫矣五年一本作六年五代史晉天福五年五月丙午詔
曰承旨者承時君之旨非近侍重臣無以稟朕命宣子言是以大朝會宰
臣承旨草制詔學士承旨若無區別何表等威除翰林承旨外殿前承旨
宜改為殿直密院承旨宜改為承宣御史臺三司閤門客省所有承旨
並令別定其名周顯德五年詔翰林學士職係禁庭地居親近與班行
而既異在朝請以宜殊起今以後當直下直學士並宜令逐日起居其當
直學士仍赴晚朝舊制翰林院學士與常參官五日一度起居時世宗欲
令朝夕獨見訪以時事故有是詔已上三件並見蘇易簡續翰林志蘇
易簡續翰林志凡係直之數上自諸行尚書三十五直下至白身一百四
十直必須圓融其直先五直舊學士一點次三直一照又次二直一照此
三等隨日多少令其均勻永為定式晉開運中楊祐倫直翰制其從
庶直之數等第除條條為定式中中書門下仍刻石在壁員外郎入舊八
十直改為五十直郎中入舊六十直今改為四十直他官入舊一百直改
為八十直員外郎知制誥轉正郎仍舊知先六十直改為三十直正郎

永樂大典卷一萬百五

四

舍人舊四十直今為二十直自常侍諫議給事拜舍人舊四十直今為二
十直應舊官再入約前任減半今附于此貴存舊章其內制係直及吉凶
疾病諸假則例具翰林舊規學士起居之制月朔已前未聞其例高世宗
時故內翰王著今按相李公榜俱遺內職屬世宗北伐並起復隨駕書詔
繫委之際即不違教台係直與不係直迨皇朝端拱元年閏五月蘇易簡
遭家難難奉詔押輿遂與翰林以下高謀依鳳閣壁記體例同舊官再入
約計前五減半是時設係直二十五直矣至皇朝今按相李公獨直禁林
奉旨令每雙日夜直隻日下直可以永為通式也四禁之中漏洩為最故
草制之夕遲明必闔門之雙扉當制學士坐於玉堂上止吏人之出入者
俟宣制訖方啟戶為文翰之職優待之英者太祖英武聖文神德皇帝因
置酒于紫雲樓下命兩制侍宴歡甚因命中書舍人來晨宜輟一本作
內置起居今為通式仍各賜書千卷以備檢閱舊體每遊驪止學士得
赴召暨皇上留心儒術雅賞文翰時綸閣之士始召赴曲宴或令和御詩
舍人從遊宴自此始也殿後立春鑲錦銀彩幡勝之物亦及之其或觀稼
於南薰門賞花於含芳園春晝殿碑百司景從幸園西之金明池下雕輦
登龍舟都人駕有百樂具舉想瓊林苑由復道御層樓臨軒置酒以闌繁

永樂大典

卷一〇一一五

威兩制必侍從馬至上林春賦千花萬卉妍麗冠絕上必曲宴宰衡勳舊
 召兩制詞臣俯龍池垂金鈎舉賜賦詩終日而罷上嘗謂宰執近臣曰詞
 臣實神僊之職也翊日凡所進詩悉迴御臺屬和以賜焉雍熙三年十月
 勅曰兩制詞臣公朝精選典司論詰親近免疏宜於俸祿之間特示優異
 起今後兩制俸料並以見給充上聽政之暇搜訪鍾王之迹以資閱覽馬
 御臺飛動神機妙思出其軌制乃召書學之有格性者置於便殿躬自省
 閱仍授以筆法既觀其有成者錫以銀章象笏令入院充待詔者八人自
 是書詔四出案海之內咸識禁中之墨妙焉 舊體學士凡召入院止賜
 白成釘廣額都了切釘秋帶項飾出聲諸禮韻音了師快謂之釘口銀鞍
 勒馬暨今上即位優待特異賜金鍍銀開裝鞍勒馬對衣荔枝金帶郊裡
 禮畢賜對衣金帶或括犀帶金魚副之朝上自唐末久闕佩魚者迄今方
 復之十月朔舊賜對衣紅錦袍上特以細花熟錦袍代之淨化二年冬代
 以細花藍鵝錦袍其制下丞相一等自是遠方之珍果天府之法醪龍鳳
 之茗薺伏臘之餅餌以時而賜悉加等馬玉堂東西壁延袤數丈悉畫水
 以布之風濤浩渺蓋擬瀛洲之象也待詔重刊之筆脩篁皓鶴悉圖廊廡
 奇花異木羅植軒砌每外宣已寂內務不至風傳禁漏月色滿庭真人世

永樂大典卷萬一百五

五

倦境也每學士拜命先閣門受制書於常朝殿門階上拜伏跪受訖於便
 殿對殿陳述寵用遺值之由謂之告謝上必從容賜座以茶藥而退遜日
 謝恩前一日待詔一人就宅宣召預於庭設酒樽堂設酒醴待詔拜有勅
 望皇居拜伏聽命其辭皆獎飾嚴召之意又舞蹈訖升堂飲饌以謝恩奏
 狀拜伏跪授之來日待詔迎於待漏院與新學士偕行引至閣門而退閣
 門舍人始引入中謝賜對衣金帶金塗鞍勒馬進列就院轉官惟承旨得
 賜分物初設如初拜之禮餘不得比入本院上事宜徽院告報勅設儀駕
 宿陳帝蒜太官備珍饌設上尊酒茗果畢至赴是設者止鳳閣舍人餘不
 得預坐舊體禁中事元無樂前代或有令伎藝之者歸賦滋味之戲者
 玉堂之上惟上事受吏人賀禮始得正坐餘雖承旨亦須坐於東廂其副
 翰座西廂餘依雙隻對坐居是職者人物之選亦已極矣儒墨之禁亦已
 至矣苟能節用以安貧杜門以省事探真如之旨養浩然之氣來者瞻望
 其出處時君優假其顏色逍遙卒歲非神僊而何每上直一依舊制入者
 先之出者後之或會食日軒之後同列出院當其日直學士苟已院中第
 則可紗帽靴履送至玉堂之簾下蓋同列相恕其坦率也或禁直垂簾人
 靜之際則有中使忽降持御詩宣令屬和則必尋拜謝狀後信宿方和進

如聲韻奇險。難以廣載者。必拜章瀝懇。陳述寡和之意。優詔多見焉。每錫謝恩奏狀。必當直草。或郊裡行慶制命。填委必聚廳。以分草之。其餘書詔辭祝。頃刻之間。雖續紛而至。必獨當之。或數直有不草一詞者。自可探贖。往詰研窮理體。以備顧問焉。李肇翰林志曰。凡將相誥身。並用金花五色綾紙。唐乾寧二年。李鉅自黔南節相。授京兆尹。兩次咨報。中書用白綾紙。金親王將相誥身。並用金花五色背綾紙。皇后貴主。用金花五色背羅紙。不帶使相者。用金花五色白背綾紙。觀察使及叅知政事。樞密副使。簽署樞密院公事。並五色綾紙。無金花。諸蕃酋長。蠻王。鬼主。官告。中書省草詞。送學士院寫。皆五色綾白背紙。皆新例也。例一作制。舊體。樞密使未帶使相者。不宣麻。至周太祖初。潛歷是任。乃宣制於公朝。今之宣麻。自周太祖始也。蘇耆次續翰林志。唐制學士。每有除拜他職。必納光院錢。以為公用。自丞相而下。各有差等。五代以還。其儀久闕。公振舉而復之。國朝舊制。有殿前承旨。頗甚繁雜。及公拜翰林承旨。上以其稱呼不別。又惡其與清貴混淆。詔改為三班奉職。以避其稱也。草麻潤筆。自隋唐已來。皆有之。鄭譯隋文時。自隆州刺史。復國公府。令李德林作詔。高祖戲之曰。筆頭乾。譯答曰。出為方伯。策杖而歸。不得一錢。何以潤筆。近朝武臣移鎮。

永樂大典卷二萬二百五

六

及大僚除拜。因循多不送遺。先帝以公久在內庭。慮經費有闕。特定草麻例。物朝謝日。命閣門督之。既得。仍以書進呈。自是無敢有闕者。迄今以為定制。國朝淳化二年。命翰林學士賈黃中。蘇易簡。同勾當。差遣院李沆。同判吏部流內銓。學士領外司。自此始也。至和元年。翰林學士楊察為承旨。知制誥。呂溱。王洙。並為翰林學士。故事。學士六員。今洙為第七員。蓋宰相過除也。宰相一作丞相。元祐官品。令翰林學士承旨。翰林學士。正三品。唐韋澳。大中。年為翰林學士承旨。與同寮蕭真。深為宣宗所遇。二人同直。無不召見。詢訪時事。每有邦國刑政大事。中使傳宣草詞。澳心欲論諫。即曰。此一事。須降御札。方敢施行。遂留至再。且必論其可否。帝多從之。元稹翰林志。承旨記曰。舊制。學士無得以承旨為名者。應對顧問。叅會第班。一本作旅次班。第以官為上下。憲宗以承旨元年。即大位。始命鄭絪為承旨。學士位在諸學士之上。居在東第一閣。東與奉郊廟。輒得乘馬。自浴殿由內朝。以從。揭雞竿布大澤。得升丹鳳之西南。隅外賓客進見於麟德。則止。直禁中。以俟。凡大詔令。大廢置。丞相之密。畫內外之密。奏上之所甚注意者。莫不專受。專對他人。無得而叅也。五代後唐。同光中。賜承旨學士盧質論思。翊佐功臣。旋授節制河中。馮瀛王送之詩云。視草北來唐。

學士。擁篲西去。漢將軍時人祭之。周陶穀自以官居八座。位至承旨。且欲軋同列之官。早者乃起請。令今後學士合班儀在諸行侍郎之下。如官至丞郎者。即在常侍之上。官至尚書者。依本班。迄今以為準。宋淳化二年。翰林學士承旨蘇易簡獻續翰林志二卷。詔藏於史館。仍賜御詩二章。以寵之。批云。賜詩之意。因卿進續翰林志。美卿居清華之地也。上又書玉堂之署四字。以賜易簡。因謂宰相曰。易簡告朕求此數字。卿可召至中書授之。他日為翰林中美事。淳化四年。上草書宋王太官賦。賜蘇易簡。易簡因擬宋王作大言賦以獻。其詞曰。皇帝書白龍。作大言賦。賜玉堂臣。易簡御筆。煌煌雄詞。洋洋珠璣。博達不可備詳。詔易簡。朕躬指其理。且歎宋王之奇。恠也。因伏而奏曰。恨宋王不與陛下同時。帝曰。噫。何代無人。馬卿為朕言之。易簡曰。聖人與兮。告成功。登危奮兮。展升中。芳席地。一作地為希兮。饗祖宗。天籟起。一作起。籟兮。調空曠。日鳥月兔。耀文明也。宋王并鈇嚴武衛也。魏北斗兮。莫玄酒也。削西華兮。為石砥也。飛雲湧霞。騰騰騰。一作塔。塔也。刺鯨。鰲鵬。代鷓鴣也。迅雷三發。山神呼也。流電三激。燿火舉也。禮册獻。一作武。兮。溥風運。君百拜兮。天神歎。四時一周兮。萬八千年。太山融。一作夫。兮。溟海乾。圓蓋穴。一作空。兮。方輿穿。君王壽兮。無疆。

永樂大典卷萬百十五

作翁馬時。殿上皆呼萬歲。上覽之喜。賞賜手詔以榮之。治平三年。以端明殿學士兼龍圖閣學士知徐州張方平為翰林學士承旨。初。上謂執政曰。學士獨王珪能為詔。餘多不稱職。因問方平。文學如何。歐陽脩對曰。方平亦有文學。但狹邪不直。曾公亮以為不聞其狹邪。趙鼎又以為無進故。至是命之。筆談。玉堂承旨閣子。總格上有大燃。太宗嘗夜幸玉堂。蘇易簡為學士。已寢。遽起。無燭。具衣冠。官幄自總格引燭入照之。至今不欲更易。以為玉堂一盛事。事物紀原。職林曰。至德以後。翰林直學士六人。內年深德重者一人為承旨。所以獨承密命故也。此疑承旨之始也。而唐百官志曰。元和中。翰林學士。以院長一人別承勅旨。或密受顧命。為學士承旨。職林又謂德宗正元已後。承旨多至宰相。疑唐志為誤。事文類聚。流令典冊。皆更其手。手德格。鄭綱為內庭之老。首定大計。翰林志。唐韓休。昭宗時。進承旨。處事機密。與帝意合。不傳順宗風。樂不能言。時太子未立。牛美人有異志。中外洶懼。君鄭綱。草立儲制。綱搦管。便書立嫡。以長四字。跪而上。呈乃定。憲宗細之力也。即位拜平章事。韓偓進承旨。宰相韋昭範。母喪。詔選位。偓當草制。曰。脫可斷。麻不可草。韓維除翰林學士承旨。神宗命公草詔。求直言。詔出。人情大悅。言行錄。蘇易簡為承旨。當禁真。以

永樂大典

水試歌器。太宗曰。聞卿所玩。非歌器耶。易簡曰。然。乃進曰。日中則昃。月滿則虧。器盈則覆。物盛則衰。願陛下持盈守成。念終如始。固萬世之業。則幸甚。言行錄。張方平為承旨。神宗親到曰。卿文章典雅。煥然有三代之風。而又善以多為少。意博辭寡。雖古訓誥。亦無以加也。王拱辰自承旨除參政。不數日以憂服去。徐以宣徽使召。熙寧間。王珪為承旨。韓絳戲之曰。行將入宣徽矣。未幾除參政。遂大拜。近世承旨之達無此也。同上故事。知制誥必試。仁宗知歐陽脩有文。有旨不試。後遷承旨。不傳章得象。悉性簡重。在翰林十二年。怡然自得。事皇。淳化二年十二月。承旨蘇易簡於本院會學士等。觀飛白及二等書體。帝聞之。賜上尊酒。太官設饌。各賦七言詩。宰相參政亦各賦詩。易簡悉以上聞。翌日。帝曰。朕諷讀數四。有以見儒墨之盛。學士之貴也。會去太宗時。賈黃中。宋白。李至。呂蒙正。蘇易簡。五人同時拜翰林學士。承旨。扈蒙贈之詩云。五鳳齊飛入翰林。其後呂為相。賈李蘇參政。宋為尚書。盧陔詩注。淳化二年十月。承旨蘇易簡請以御賜二詩刻石。帝為真草行三體。命侍詔刻石以賜。易簡蘇志蘇參政。易簡登科時。宋尚書曰。為南省主文。後七年。宋為翰林學士。承旨。而蘇相繼入院。同為學士。宋嘗贈詩云。昔日曾為尺木階。今朝真是青雲友。歐陽文忠公亦然。

水樂大典卷一萬三百五

八

王禹偁南省主文。相距十五年。同為學士。故歐公詩有喜君新賜黃金帶。顏我今為白髮翁之句。二事誠一時文物之盛也。翰苑群書。新唐書。堯傳。師傳。傅師。召入翰林。為學士。改中書舍人。翰林缺。承旨。次當傅師。穆宗欲面命辭曰。學士院長。參天子。密議。次為宰相。臣自知必不能願。治人一方。為陛下長養之。因稱疾出。帝遣中使。召李德裕。素與善。開曉。諄切。終不出。遂以本官兼史職。宋史。列傳。蘇易簡。淳化二年。同知京朝官考課。選中書舍人。充承旨。先是。曲宴。將相。翰林學士。皆預坐。梁迥。啟太祖。罷之。又皇帝御丹鳳樓。翰林承旨侍從。升樓。西南隅。禮亦廢。至是。易簡請之。皆復舊制。百官志。掌制誥。詔令撰述之事。承旨不常置。以學士。久次者為之。元史。百官志。翰林兼國史院。秩正二品。中統初。以王鶚為翰林學士。未立官署。至元元年。始置秩正三品。六年。置承旨三員。十四年。增承旨一員。十七年。增承旨二員。二十七年。增承旨一員。大德九年。陞正二品。至大元年。置承旨九員。皇慶元年。陞從一品。五年。置承旨八員。後定置承旨六員。從一品。十二年。別立翰林院。置承旨一員。十八年。增承旨一員。二十九年。增承旨一員。延祐二年。改司直為經歷。後定置承旨七員。阿魯圖。博爾木。四世孫。父木忽剌。阿魯圖。由經正監。襲為法。薛官。掌環衛。遂拜翰林學士。承

永樂大典

卷一〇一一五

音 太平字允中初姓賀氏名惟一後賜姓蒙古氏名太平仁傑之孫勝之子也資性朗朗正大雖在弱齡然如老成人嘗授業於趙孟頫文宗召為工部尚書至正五年遷宣徽院使六年帝請權居近職七年詔特賜姓而改其名遷中書平章政事十一月拜太平左丞相明年正月詔脩后妃功臣傳九年七月罷為翰林學士承旨 達識帖睦迺子允成幼與其兄鐵木兒塔識俱入國學為諸生讀經史悉能通大義尤好學書初以世胄補官為太府監提點權治書侍御史以言罷除樞密院同知陞中書右丞翰林承旨 峻峻字子山康里氏幼隸業國學博通群書其正心脩身之要得諸許衡及父兄家傳長襲宿衛風神凝遠制行峻潔望而知其為貴介公子始授承直郎遷兵部郎中拜監察御史復除江南行臺治書侍御史未行留為奎章閣學士復留為大學士知經筵事尋拜翰林學士承旨文用字彥俊之第三子也生十歲父死長兄文炳教諸弟有法文用學問早成弱冠試問賦中選遷大司農時欲奪民田為屯田文用固執不可遷為翰林學士承旨 王思廉字仲常幼師太原元好問至元十年董文忠薦之世祖問文忠曰汝何由知王思廉賢對曰鄉人之善者稱之也遂召見授符寶司掌書每侍讀帝命御史大夫王述帖木兒太師月赤察兒御

永樂大典卷萬百五

史中丞撒里蠻翰林學士承旨擬立察等咸聽受馬慶官至太子賓客仁宗即位以翰林學士承旨資善大夫致仕卒贈翰林學士承旨資德大夫河南江北等處行中書省右丞上護軍進封衛山郡公諡文恭 王惲字仲謀衛州汲縣人曾祖經祖字任舍官教武校尉父天鐸惲至大初以律學中首選任至戶部主事大德八年六月卒贈翰林學士承旨資善大夫進封太原郡公諡文定 張孔孫字夢符其先世出遼之烏若部為金人所并遂遷隆安父之純為東平萬戶府參議請老還家拜翰林學士承旨資善大夫致仕 劉庚字熙載洛水人五世祖逸以御史治獄有陰德祖肅為右三部尚書庚幼有文名師事翰林學士至大德二年遷禮部尚書仍兼翰林學士尋拜侍御史項之選翰林學士承旨兼國子祭酒延祐元年復為承旨 陳穎字仲明其先居盧龍有名山者仕金為謀克監軍大祖得之以為平陽等路軍民都元帥子孫徙清州遂為清州人穎幼穎悟日記誦千言稍長游京師登翰林承旨 梁曾字貢文燕人祖守正父德曾少好學日記書數千言中統四年以翰林學士承旨王鶚薦辟中書左三部令史三轉為中書省掾 耶律希亮子明甫楚材之孫鑄之子也先世皆讀儒書允成能詩賦至大二年武宗訪求先朝舊臣特除翰林學

士承旨資善大夫尋改除翰林學士承旨詳本傳趙世延字子敬其先雍古族人天資秀發喜讀書究心儒者體用之學弱冠世祖召見俾入樞密院御史臺肆習官政至大三年尋陞翰林學士承旨詳本傳歐陽玄字原功其先家廬陵與文忠公脩同所自出其母李氏親授孝經論語小學諸書八歲能成誦日記數千言元祐元年詔設科取士明年賜進士出身調太平蕪湖縣尹帝以玄歷仕累朝且有修三史功諭旨丞相趙世延授秩遂擬拜翰林學士承旨已而乞致仕帝不允復拜翰林學士承旨屢乞致仕不允仍前翰林學士承旨進階光祿大夫至元十七年卒於崇教里之寓舍李好文字惟中大名之東明人登至治元年進士第為翰林國史院編修父之陞翰林學士承旨皇太子深敬而嘉納之後屢引年及至休辭至再三遂拜光祿大夫河南行省平章政事仍以翰林學士承旨一品祿終其身劉敏中字端甫濟南章丘人幼卓異不凡年十三語其父景石曰昔賢足於學而不求知豐於功而不自銜此後人之所弗逮父奇之鄉先生杜仁傑愛其文咸稱之敏中嘗與同儕各言其志曰自幼至老相見而無愧色乃吾志也至元十一年由中書樞密兵部主事拜監察御史為淮西肅政廉訪使轉山東宣慰使遂召為翰林學士承旨陳思謙字景

永樂大典卷一萬一百五

讓其家世見祖祐傳中思謙少警敏好學凡名物度數綱紀本末考訂詳究尤深於邵子皇極經世書文宗天曆初政收攬賢能丞相高昌王亦都護舉思謙時年四十美召見與聖官授典寶尋為集賢侍講學士以年近七十上章乞老不允仍授御史中丞卒贈宣猷東憲佐治功臣翰林學士承旨榮祿大夫柱國追封魯國公謚通敏亦憐真班西夏人父俺伯以忠勤事世祖為知樞密院事至順初拜翰林學士承旨榮祿大夫遠功德使指揮使如故尋出為陝西行省平章政事未行復為翰林學士承旨王時以文學顯歷任中書參知政事至左丞以翰林學士承旨致仕張翥字仲舉晉寧人少時負其材雋慕效不羈好蹴鞠喜音樂不以家業屑其意其父以為憂翥一旦翻然謝客閉門讀書晝夜不暫輟因授業於李存先生至正初召為國子助教退居淮東會朝廷降遼金宋三史為翰林編修史成遷太常博士累陞侍講學士樞密監善之除集賢學士俄以翰林學士承旨致仕階榮祿大夫後詔乃以翥為河南行省平章政事仍翰林學士承旨唐元積集翰林承旨學士記舊制學士無得以承旨為名者應對顧問參會旅次班第以官為上下憲宗章武孝皇帝以承旨元年即大位始命鄭公為承旨學士位在諸學士上居在東第一閣東與奉郊

廟。輒得乘廐馬。自浴殿由內朝以從。揚雖早希大澤。則丹鳳之西南隅。外則賓客道見於麟德。則止直禁中以俟。大凡大語令。大廢置丞相之家。其內外之寂處。上之所甚注意者。莫不專對。他人無得而參。非自異也。法不當言用。是十七年間。由鄭至杜十一人。而九參大政。其不至者。衛紹及門而逐。事適然也。某者十餘傳其事。至於張則弄相印以俟。其病間者久之。卒不與命也。若此。則安可以昧陋不肖之預。繼居九丞相二名。卿之復乎。使仰瞻瞻。如遭大賓。每自悔其心目。以君之不俊不明。而又使欲惡款曲攻於內。且決事於冥冥之中。無暴揚報效之言。不忿行私易也。然而陰潛之神。必有記善惡之餘者。以君父之過。若如是。而猶舉枉錯。真可乎哉。使君之心。忽而為他人盡數。若之所為。而終不自愧。斯可矣。昔魯共王餘重先賢於屋壁。以自警臨。我以十一賢之名氏。宜直自警我。由是謹其邊授書于屋隅。長慶元年八月十日。記。宋蘇頌。演集鄧溫伯先翰林承旨。不許不允。詔二首。 魏溫伯覽所奏。辭先恩命事。具悉。卿以文史足用。久在禁林。慎請寡允。首承密旨。雖云新命。率皆前官。尚此盤桓。固求引避。既違朝廷號令之信。徒有道路進退之嫌。其尚亟前。勿為煩請。所請宜不許。故茲詔示。想宜知悉。夏。魏溫伯省所奏。辭

先恩命事。具悉。翰林以議論為官。而承旨以年德為選。茲所以歷求多士。復用舊人。卿既久在朝廷。當識朕意。遠近託。雖多長者之風。號令文詞。宜得宿儒之用。成命不反。固辭實難。所請宜不允。故茲詔示。想宜知悉。夏。魏溫伯省所奏。辭。 唐學士六人。而年德最茂者。遂為承旨。深謀秘論。率得預聞。當時諸公。由此以攝大柄者。踵相踵也。其官某風華秀整。處謙履順。文章雄駭。如群馬之四馳。更直玉堂。已踰一紀。比之數子。乃為舊德。進承密詔。余曰。然哉。朕方以乾剛斷天下。又得爾老筆輔之。風飛霆擊。以今四方。其孰有不從哉。可。李綱。某翰林學士。除承旨。詔。 視草北門。先著論思之。為陞華東閣。式昭寵遇之優。我有俊異。宜膺妙選。其官某。若度疑遠。資識敏明。有經世之宏材。有博古之奧學。委家識權。沒歷清華。由言語侍從之班。司翰墨文章之任。入奉清闕之燕。每輸獻納之忠。嘉言闕議。足以啓沃朕心。大冊高文。足以鼓動當世。休有譽處。恬然靖共。惟潤色久留於禁林。宜顧問獨承於密旨。爰舉褒陞之典。以明因任之方。務于師言。敢自朕志。爾其德發素蘊。益究遠圖。使號令溫醇。無愧兩漢之烈。訓辭灑盡。有同三代之風。則予汝嘉。是為稱職。許景衡。橫塘集。吳升翰林學士承旨。詔。 勅學士職

親地禁而承旨為之長。宜得年德俱高而文采絕人者。自朕臨御。未始假人。具官某。博洽之學。瑰偉之文。方其少時。見謂秀出。更踐中外。垂三十年。而益進。業益精。名實熒然。在諸儒右。既運朝廷。進掌文翰。論議英發。裨益為多。則受顧問。被褒旨者。宜屬之誰耶。昔李絳。裴均。輩。開陳治道。料敵制勝。元和之政。實有賴焉。惟汝勉之。周俾二。三子。專美有唐。則朕汝。亦可。奉容。秀達。構文堂。集鄧洵。仁。除翰林學士。承旨。誥。勅。學士。視草。玉堂。極儒臣之寵。而承旨。專奉。密命。則又以其。久次者。為之。祖宗。已來。士之。與此。蓋無幾也。其官。某。業復。端靖。問學。醇深。揚歷。清華。道掌。內制。文章。論議。發實。顯隆。聞日。滋多。朕所。瞻察。宜以。舊制。冠于。禁林。往其。懋承。以副。寵渥。可。蘇東坡。集翰林。承旨。謝表。使。星下。燭。生。蓬華。之光。華。天澤。膏流。及。桑榆。之枯槁。國有用。儒之。盛。士知。稽古。之榮。伏以。翰墨。之林。號稱。內相。文章。之外。不取。他才。至於。用人。可以。觀政。文武。并用。或。成。頗牧。之功。邪。正。雜居。豈有。任文。之患。惟。貴且。近。故。難。其人。而。况。金鑿。玉堂。親。被。絲綸。之。露。北。扉。東。閣。獨。稱。年。德。之。高。必。有。異。人。以。齊。衆。口。而。臣。本。緣。乘。病。出。守。江。湖。以。一。方。凋弊。之餘。當。二。年。水。潦。之。厄。戴。星。而。治。僅。免。派。亡。及。召。而。還。悅。於。夢。寐。交。親。迎。勞。并。邑。聚。觀。驚。華。髮。之。半。空。笑。丹。心。之。未。報。宜。投。閑。散。以。養。衆。望。並。期。

永樂大典卷萬百五

士

遇採於虛。名復使榮加於舊物。此蓋伏遇皇帝陛下。德如乾健。明配日中。既祖述於堯。仁復躬行於舜。秀才難之。嘆人誦斯言。緣先帝之德音。收孤臣於散地。言雖直而無罪。身愈遠而益親。委曲保全。始終錄用。臣敢不更磨朽鈍。少補涓埃。難得者時。未有指駝之會。勿欺而犯誓。無患失之心。臣無任感天賀聖。激切屏營之至。再入翰林謝表。乘違無用。寵既溢於當年。天眷有加。恩復隆於晚節。使華臨幸。天語丁寧。儻里巷之驚觀。歎朝廷之用舊。伏以禁林分直。法本六人。帝語親承。舊惟一考。不緣名次之先後。斷自上心之簡求。冠內朝供奉之班。極儒者遭逢之盛。凡庸此選。宜得異材。而臣本以愚庸。累塵器使。初無已試之效。但多過實之名。千里關庭。二年江海。憂深投杼。蓋無三至之言。詔後賜環。不待一人之譽。此蓋伏遇太皇太后陛下。道無私載。公生至明。以七年之照臨。觀郡臣之邪正。知臣剛褊自用。雖有寬鏡之狂。察臣忠鯁不移。庶幾長孺之守。故還舊物。益茂新恩。臣敢不早夜以思。死生不易。雖桑榆之景。已迫殘年。而犬馬之心。猶思後效。詔語春溫。再命而倭使華。天降一節。以趨在故事。以常聞豈平生之敢望。省循非構。愧汗交深。竊以視草之官。自唐為盛。雖職視事。祕疏為北門學士之榮。而祿薄地寒。至有京兆掾曹之請。豈如聖代。一振儒風。

永樂大典

卷一〇一一五

非徒好爵之原兼享太素之養玉堂賜景甲淳化之攝文寶帶重金佩元
豐之新渥既厚其禮愈難其人而臣以空疎兀散之才求病流離之後生
還萬里坐閱三千不緣左右之容躡處賢豪之上此蓋伏遇皇帝陛下生
資文武天祚聖神雖亮陰不言尚德高宗之德而訪落求助已欣成王之
心首擇輔臣求次法從知人才之難得米虛名而用臣敢不益勵初心以
圖後效才不逮古雖慙內相之名志常在民庶免私人之謗 與鄧承旨
二帖 別來思仰益深到郡即欲上問因循至今辱書教感作無量比來
履茲薄冷台候康勝詹望咫尺莫由際集尚冀順時為人自重 表病日
加得此使郡蕭然乃無一事平生守官未有如今之適也舊過潁州亦樂
去但恐民事不如穎之絕少爾爾永之樂誰陪公者計不負風月餘非面
莫究思忽播芳大全集蘇子由謝宣召入翰林表 成命莫回驚使華之
促召一家殊聽望雲闕以馳情實儒者之至榮豈平生之敢望竊以翰墨
之職始自有唐供奉至尊講閣前輩北廊奏事有如李絳之忠中禁論兵
復數畢誠之智追我祖宗之盛最優文學之臣時舉舊章多蒙召對頃自
恭默之後稍虛顧問之常方今聖德日躋群臣屬目蓋將前席以博問繼
夜燭而講咨宜得雋良家侍燕語如臣草野微陋章句拙疎十載江湖之

永樂大典卷萬一百五

三

間自群魚鳥五遷臺省之要求愧冠裳敢謂之人遠令至此此蓋伏遇皇
帝陛下天心廣大海德并包物無一介之遺意求萬日之舉臨朝訪道有
百辟之在前燕處清心援衆正而自助從容盛德循致承平塵露之微海
嶽奚補脩列聖之故事今將其時因問見以納忠素亦有志周益公大全
集謝吏部尚書兼翰林承旨謝表 頻年入侍備塵清近之班兩職並陞
復冒殊尤之寵責服章於朽質被羈策於名駒異渥罪來危衷震場中謝
臣伏聞漢以尚書為喉舌唐以翰苑為腹心明光畫省之嚴夔龍接武浴
殿金鑾之邃頗收在中凡預選掄己為要剗矧疊膺於切組足增耀於簪
紳如臣者天分弗高人才甚下自惟始願不踰州縣之間誰意晚塗踐
賢豪之上檢分數祈於罷免跡榮更誤於褒遷冠秩序於南宮進班聯於
東閣胡瞻鵠待久慙受祿之無功兼取熊魚彌愧舍生而取義二儀施大
一介命輕此蓋伏遇皇帝陛下文武生知聖神廣運使人也器隨良窳以
無遺與物為春舉根莠而華遂是容賤士仍照高門惟聖朝法令之具存
初不勞於裁鑿而明主德功之俱懋亦何待於論思第當守三尺以不欺
且復盡一心而無隱庶持孤節仰報鴻私蘇魏公集謝翰林學士承旨表
臣某言今月日東頭供奉官充待詔董士隆至臣所居奉宣聖旨召臣入

院充學士承旨者。綸出王言。推預內庭之真。星馳使指。頓生函卷之光。備
 乘于中。彷徨靡措。伏以禁班親近。莫如學士之榮。密命對駮。更優承旨之
 貴。自元和之置職。逮聖世之右文。常擇有年德。可任用之人。使專大號。令
 典廢置之事。時則有若趙公之多聞博洽。鄭姻之小心統謙。在群職明治
 亂之分。李絳言為國家之利。入贊基宥。上副聖情。乃如林隨不肖之倫。豈
 稱疇咨日俞之命。伏念臣粟生不厚。操術無奇。姑緣門業之傳。預數文林
 之末。歷茲四朝之久。浸塵簪橐之聯。荷以二聖之知。真於喉舌之地。以天
 官掌選之重。兼金華進讀之員。內省至愚。最為孤立。每自憐於介持。况
 已迫於乘運。嚮祈辭劇。而引年。再被發中之賜。詔復遷延於省。部實出優
 容。雖勉體於簿書。愈深惕厲。宜謂伏蒙皇帝陛下。矜憐孤直。曲賜生成。因
 圖任於舊人。俾奉行於別旨。望復門之祕。運况若神。游念繼世之遺。遂重
 為榮。遇惟先臣之昔。仕被仁祖之深知。再踐禁林。常承於畫。訪屢陳諫議。
 每見於褒。楫愴祖歲之如流。偶遺孤之未殞。遠此非常之寵。復叨采厚之
 恩。對捧芝泥。感極而繼。之以泣。仰酬渥澤。力殫而宜。敢愛生惟當。夙夜在
 公。靖共爾位。親執花而直入。始務恪勤。問溫木而不言。益思愷慎。自餘謹
 職業之守。整頌輸之誠。知無不為。死而後已。臣無任 臣某言。今日日東

永樂大典卷萬百五

十四

頭供奉官充待詔。董士隆至。臣所居奉宣聖旨。召臣入院。充學士承旨者。
 內庭進職。方拜於綸。西使駟臨門。復膺於名節。恭聆宣語。益集汗顏。伏以
 王者之言。出為大號。令學士之職。入與上謀。故李肇謂樞機之慎。微執
 誼以刀筆為餘事。矧惟承旨之責。預聞密畫之先。職雖清閒。事實重要。往
 當茲選。未易其人。必也忠言嘉謨。可以動中於幾。會使簡片削。可以風行
 于通。避見於事功。乃為宜。稱如臣者。學如涉水。愚甚守株。偶傳業於箕裘。
 幸繼禁於軒冕。越自仁皇之在。御獲叅東觀之辭。書周旋衆務之問。歷更
 臺閣。叨被兩宮之眷。權在省曹。自司寇之詳刑。領天官之大選。三經歲序
 慙無吏課之優。再荷帝俞。入備經閣之侍。而臣乘年已暮。孤立於時。嘗陳
 告老之誠。未許容躬而去。銓衡務重。久任則鑿。裁易疲犬馬。齒耄勦。躡則
 顛。墮是懼。伏蒙太皇太后陛下。如天之無不覆。用人而不求全。春履歷之
 最深。雖堯昏而不索。深嚴禁路。蒙非次之優。遷客勿過言。俾居中而專受
 因對時之異。渥動追往之至。懷言念先。臣嘗更。是職相望。四紀。願陳迹以
 猶存。再踐複門。愴遺孤之已老。永思禁遏。蓋念教忠。固當解服。訓辭勤脩。
 素業如或。使定禁中之詔。草當竭見。聞固不敢。侍天子之私人。輒輸分守。
 誓堅此志。論報畢。生臣無任。王珪華陽集。謝翰林學士承旨表。臣某言。

今月十一日。待詔某主臣所居奉宣宸指召臣入院充學士承旨者高門
應召甫听於温言。丹地承恩就更於華序。寵知上出感自中深。臣某中謝
竊以極儒者之禁。獨高翰墨之選。鼓天下之動。莫如號令之孚。矧參基命
之承。允峻禁林之望。允圖鴻博。以訪請聞。若臣者。少孤多奇。晚學弗競。偶
綴科於異等。旋厠跡於近途。西掖裁書。空歷五春之莫。北門倚詔。又驚一
紀之餘。而臣材疎不足。經大猷。知短不能。防衆咥。微生江海之上。每意魚
鳥之從。敢自幸於它途。且獨矜於素守。宜悟右文之御。未道孤進之臣。再
召冠於嚴扉。使親聆於睿旨。官床賜錦。盡為新萬之人。仙嶺浮龍。猶顧舊
遊之客。茲蓋伏遇皇帝陛下。儲思神務。宣精帝文。方枚器於群髦。亦錄產
於舊物。雖承誤寵。不敢矯辭。三代同風。已屬漢功之茂。千齡復旦。維知舜
德之逢。徒勉自思。未知所報。臣某無任。謝翰林學士承旨笏表。臣某
言伏蒙聖慈。賜臣官告勅牒各一道。授臣前件職者。禁林之召。使獨冠於
近班。浴殿之趨。更親承於睿旨。材之匪據。愧不知從。茲蓋伏遇皇帝陛下。
收攬群英。顧憐舊物。念久塵於嚴近。特加錫於寵名。維輝素學之勤。庶答
曲成之造。臣某無任。洪公文安。集謝除翰林學士承旨表。臣某言伏奉告
命。授臣翰林學士承旨知制誥。已於今月十八日。朝謝訖者。仙高入直。已

永樂大典卷萬百五

五

漸辭藻之無功。帝語親承。忽拜絲綸之來。下循墻莫。逐踴地靡。違中謝。伏
念臣巾衍。諛聞弓表。未系。蚤辱知於高聖。帝肯寵於嶽朝。翰苑鶴天。存膺
妙柬。甘泉豹尾。滿陟通聯。當大典策之更新。豈妾男子之足辨。正虞汰片。
敢意甄升。比獲親於咫尺。願用款陳於愚。悃清光。俯逮。宸諭有加。侍五學之
游。曾未乾於詔墨。奉九重之旨。乃疊被於恩。章錄中。與數十年於茲。居是
官。二三人而已。請言高倫。聖謂久虛。鳳檢下。須初。乏為容之助。鼈頭上。畫
未知圖報之方。幸出意。滙。榮非材稱。茲蓋伏遇皇帝陛下。體元居上。恭已
正中。王言成日。大哉。豈特鋪張於鉅禮。聖主一見。決矣。方將鼓舞於群情。
張令極。匪之蹤。遂玷非常之選。臣敢不激印。志氣。萍厲。操修。長除書而善
德音。顧何裨於潤色。領從官而闡政事。期不負於生成。臣無任。王初。察先
生集。謝除翰林學士承旨并宣召表。臣今月十日。武翼大夫。充學士院
侍詔馬清。臣至臣所居。奉宣聖旨。召臣入院。充學士承旨。冠擗文之集。直
已。誤明。揚紆。將命之使。華更。叨。起。召。紳。綏。改。觀。頂。踵。知。歸。中。謝。竊。以。潤。色
大猷。素極。儒臣之選。奉承。睿旨。實專人傑之求。宋興百六十年於茲。壁誌
三十三人而已。言運。跋。燭。至。空。對於。七。春。仙。嶺。浮。龍。或。稍。遷。於。一。紀。顧。如
名。輩。猶。遠。此。除。剗。金。鼎。玉。鉉。之。元。臣。與。鳳。閣。鸞。臺。之。近。弼。異。時。東。閣。按。武

四賢。雖才分之爾。殊信詞林之增耀。凡際推擇。實係重輕。伏念臣久矣空疎。蕭然疲瘁。獨倚無臨之遠。見收隱約之中。入處嚴扉。南喻春歲。震風凌雨。仍漸再造之於墻地際天。尤幸千齡之遇。瓊籙面聞於要訣。琅函執授於祕經。天動奎鉤。俯答燕衍之韻。夜趨霄極。仰瞻颯馭之游。况大號之肆敷。多一時之待。三王就第。五相策勳。定命錫符。均整率土。合官布政。授節通聯。萬年天紀之復元。六路師干之奏凱。獲緣簡記。得竭鋪張。對揚每近於清光。慙藉屢形於褒語。俾寬幽黜。遂冒寵陞。此蓋伏遇皇帝陛下。心鑑冲融。道樞淵妙。因任原省。內獨運於乾剛。翦文敷施。外靡煩於師錫。載加顯渥。用燕新臣。惟聖學之川增。復睿文之天縱。第知剽竊。雲漢之昭回。曾是唯心。曷敢雷風之鼓舞。所虞累國。宜敢愛身。獨有論報之恩。終蹈損辱之節。臣無任。宋景文公集。讓加承旨表。右臣今月二十二日。閣門降。到詔。初各一道。授臣翰林學士承旨。依前兼端明殿學士。翰林侍讀學士者。聞命震驚。撫躬愧汗。伏念臣病求解郡。恩許運朝。復便醫藥之良。呂叔柔榆之晚。是為再造。舉戴深仁。然自休偃於私居。尚苦纏綿於舊疾。深虞盈滿。遂致顛隲。今茲詔除。尤出望外。且承密旨者。或膺疾召。或訪欲謀。法從羣華之嚴。恭持紫案之重。必資該敏。仰副眷求。如臣者。年事頗優。

永樂大典卷萬百五

氣力衰耗。且貴於必不能者。敗如所不宜。授者僭。實累公議。敗速身矣。自知甚明。人言將至。伏望皇帝陛下。推雲或露。破却延光。許回誤思。少安危。悃。誓堅九殞。歸謝鴻私。劉行簡著。溪集。賀翰林承旨啟。伏審祇膺使命。召拜禁林。制書頒傳。士類鼓舞。竊以自古願治之主。將規遠圖。必有視草之臣。親承密命。豈特右文之事。實參戰難之謀。而况寓直北門。對揚浴殿。自開元之際。浸隆學士之名。遠章武之初。加寵內庭之老。禮秩增峻。事任匪輕。願非其人。不在此選。恭惟某官。養剛大之氣。足以有為。好深湛之思。欲其自得。風規邁往。論議有餘。上方訪忠。孝於昔聞。知典刑之尚存。君從孤外。俾侍燕閑。緇石室之書。既終信史。進玉堂之直。仍襲世官。謬云天子之私人。端是吾家之舊物。然而國是所屬。物論既孚。茲為大用之階。即副具瞻之望。某年餘無幾。任乃為貧。自知偶世之闊疎。獨恨登門之晚。親及茲贊喜。采切知歸。欣頌之於名官。罔既沈忠。敬公集。賀馮承旨啟。伏審鋒車入覲。斧衣對揚。超玉筍之新班。冠金鑿之舊直。除音四出。歡頌一詞。竊以奉三代之遺英。而當號令文章之事。取四海之萬望。而摠言語侍從之官。此上所所以篤於近臣。而世亦將期以大用。况夫親承密旨。獨望清光。地接六符之中。階秩高兩禁之上。列帝選于衆。公惟其人。恭惟某官。炳嶽

永樂大典

卷一〇一一五

濟之靈蓋東南之美德量蓋存夫遠大道術已造於純全氣襲九州絲直
 養而無害才周萬事殆曲成而不遺忠既格於天淵信亦行於蠻貊畫膚
 三接歲閱九迂詞依代言思若湧泉之法儒官正席化如時雨之執騰聞
 東序之絃歌歸德北扉之鈴索方將德尊主庇民之術豈特煥經天緯地
 之文還銜恤於倚盧致興思於及席幸頒名節仍趣賜環天子虛懷安問
 鬼神之所以都人拭目復觀風采之凜然迨出親除式昭異數定見金甌
 之覆即期玉鉉之登德裕之文用雖長於大手吉甫既禮自絕於同儕
 斯言不誣惟日以俟某雖奇弱質公麼微生頃蒙特達之知曾乏先容之
 助側聞顯渥倍激驩悰久託範模行費大鈞之缺北僅同燕雀更欣夏屋
 之幬幪代賀鄧承旨啓 伏審比自禁林權承帝旨詔語甚渥士論交
 欣伏惟惟慶恭以某官以高明之資養剛大之氣服膺忠孝率自家傳被
 遇聖神遂當世選貳天官於中省掌帝制於北門是端形容海內傳誦是
 用冠內相之列予以極儒者之榮對越威顏密承顧問提鼉仙嶺尚煩綉
 繹於絲綸翔鳳禁池行見後先於伯仲云云王漢濱先生集上孫承旨啟
 光奉制書復登翰苑承中禁幾傲之首冠內朝清切之班傳聞遐邇聳動
 群聽竊以北門侍詔專取文章東閣別居必推年德將相相望於前世官

永樂大典卷一〇一一五

十七

資不計於同僚在中朝熙洽之時特為榮遇遠南渡艱難之後無復常員
 自非大用之資曷副久虛之選恭惟某官斯文哲匠當代耆英踈通既果
 於天資練達尤深於世務清塗揚歷閱歲月於三朝絕域征行冒風霜於
 萬里夷險不渝於一節身名由是以俱榮入掌絲綸出專斧鉞詔令雖兩
 京之作威權倖二陝之分屬睿哲之求賢思老成而共政鋒車馳召屢趣
 舍人之裝蒲座對揚遂前天子之席方今台階未備政路多虞濟時實藉
 於真才注意允歸於舊德名書案上闡宸翰之新題禮絕座中有禁林之
 故事某叨家慈薦粗識休歸峻比龍門已濫登於賤跡成同駕屢惟竊賀
 於私心宋景文公集孫承旨啟 右某啓伏承龍司憲府歸冠禁林榮踴
 雖紆公言增仰忝以某官躬殆庶之彥舍舍厚之和內諸人文外詢王度
 比緣國賴司直是故選有難才座敦博之大儒肅捍彈於列辟純誠設謀
 露勁節於歲寒烈譽稜稜滿危言於天下聊避餘錫遠願回翔知所以裁
 雖為吾黨之幸實相以濟終副上帝之心姑待剛辰廣躋右弼某久違穎
 文方屬鞮索側聽思言但馳欣素 楊承旨啟 右某啓伏承慈選制司
 歸冠嚴署雖公言弗欺在賢聚當恭惟某官外表人文內函國器白璧
 盈握自謂可為和鑿在前動必中道靡留允據之地回趨不競之場鎮息

浮囂保完冲素其如締守前席益厚於春存得非金鉉虛中有待為輕重
側聞騰報元副所欽景仰華中墨翰奚述 與丁承旨啟 某啟陪禮回
謝賓客僂卧日高神明稍還觀召孺子輩飲酌於前蓋足以樂慰得和重
清粹閑放同茲意好作歸來之漸則華髮從初服自卜既審終不使二味
笑人思思大言之出乃狂人指目則念平地有機非常日防繒弋矣欲謀
所處惟山林無何有之鄉乎况執事恬於退淡僕安於拙附述道不同而
趨無異他日之嵩雲頽月果不屬他而主於我決矣因長言之惠不覺及
茲載之載之無為俗人言也明日冀望眉宇劉致彭城集與王承旨啟
效智小邦蹄風右省雖期會之事幸免於沈迷而繩墨之門自慙於結約
思復侍側儻之論窺雅容之輝妙如雲霄倏更歲律伏惟陟降帝側綏養
時中恭以某官德量淵深神鋒穎擢知當世之要務自一時之偉人經義
精通文采英發贊天常於華舌明帝制于典謨海內服其詞宗主上許其
國器必且推璫柄輔代熙化工推其不世之資用格非常之業 僻守遠
郡有張敬繩墨之嗟願為中郎無汲黯禁闥之望瞻仰當世之傑侍從鈞
天之游馳馬雲漢之高益歎泥滓之陋伏惟燕見多暇啟處用庸恭以某
官德貫道樞學優聖臬言必垂於士則智悉諧於帝謀於以經緯人文贊

永樂大典卷一百一十五

文

襄治體譬猶玉衡平物無登毫之差元龜告獻絕幽深之阻與滿斯久休
命為歸 伏念託茲僻陋之邦迷於期會之務雖馳情而無極曾奏記之
非時仰惟德宇之寬深察小夫之智幸未忘於冀願猶竊冀於燕容隆暑
在辰燕見多暇吉祥止止啟處休休恭以某官性茂天機學優聖域處全
德以耀世振遠猷以致君所謂元精之生王者之佐且中外之任試諸難
而已周而文武之材見於事而成效上方酌輿論之愈廣峻龍章而奮厲
敢冀上為宗祧精調寢饋畢西臺先生集上修史承旨啟 某頓首再拜
承旨脩史侍讀年兄近者舟御經從泗上獲奏請謁遂得款侍誨言某日
感激慙幸併集下情氣序漸熱共想運奉禁嚴以來台候動止萬福某區
區管職在外責由冗賴苟免於罪戾初違言侍日夕馳戀伏望順履主理
延集洪祉就膺廊廟之拜以慰中外遠誠悃悃之禱不宣 某悚息再拜
官守淮甸因緣幸會得於道途際會以望見顏色非特大慰累年闊別門
下之情而更蒙感念嗚昔致以舊言結戀依仰之矜雖寢食不忘即日恭
承大師到闕以來陟降文石日奉玉色燕見之間恩眷尤異宜遂入輔照
展大快人望時聞除音之傳別當馳賀記室逸次謹奉前啟附承起居兼
布私誠萬一伏惟台慈亮察 某惶恐啟自拜違舟次之後某遂離泗去

途中遇濛倅林通直出所賜教意累幅詞札繁然尤體眷子之厚。收置巾
櫛其感無窮。是時稿料方在中途。故約大旆到關而上。此記今想新命。匪
朝伊夕。當繼奉早膳。以助在堂之慶。伏惟台慈加察。幸甚。某再拜。伏審
遷長。謹誌。進讀經閣。後緒正一朝大典。舊物前効。人固料其必然。而或以
為未足。請賀門下。蓋知大任之在。即為可賀也。孤遠無似之人。遂將從士
大夫之後。想望賢業。而永託祈禱之賜。至幸至願。元何大虛。知非重高賀
程承旨啓。伏以辭榮丹陛。尊隱紅泉。漢庭尊疎。傳之賢。用成其美。士流
羨歐公之逸。共仰其高。展也偉人。見於今日。竊嘗觀功名之際。罕有能始
終之全。雖如唐虞三代之時。無踰伊周二公之懿。然當保衡之任。則有營
柵之危。居負來之時。不見撤桑之慮。使其非望。實在人之有素。誠未知明
哲保身之何如是。以霸越治兵。邁動扁舟之興。除秦感項。即從赤松之遊。
天下徒稱其知幾。曾中所存。豈易識。不然叔季之希。聞何為。蹤跡之寂。聚
借曰有之。亦云末矣。淵明之棄其職。持不堪於督郵。巨源之歸其鄉。以既
老於司業。較其去就。彼我重輕。況於秦運之方隆。可以邀肥而自詭。此公
之事。於世無倫。其惟承旨相公。靈樓先生閣下。一代宗工。四朝名德。迪我
高后。旁招俊人之賢。式是南邦。遠有光華之被。推權於方城。振臺綱而

永樂大典卷萬百五

九

益獲。願惟成宗。召彼故老。俾商中書之事。兼崇內相之班。宜為誥者。王某
之文。可力史者。退之之責。鋪張光輝。鑄二典三謨之辭。蹂躪漢唐。抗八索
九丘之製。因選掄於邦省。暫檢校於山房。陛下繼明。元臣秉進。虞庭十六
相。亦惟汝諧。周衛一二臣。爰命公後。策搖紫頂。價重難林。聖主尊之。而不
名。群公敬之。而無間。道德如此。其厚節。祭如此。其高。文章如此。其煒煌。名
位如此。其超卓。舉無不足。所欠者。歸。帳。飲。都門。定有畫圖之跡。錦水。榮。故
里。允為邦家之光。中獨抱喜心。亟紉賀幅。車無下澤。馬無款段。不漸足。對
於奔馳。墨有照川。筆有宣城。何憚手。於模。馬。誦言。備。淺。倚。德。滋。深。謹。奉
啓。陳。賀。以。聞。伏。惟。鈞。慈。俯。賜。鑒。存。謹。答。蘇。魏。公。集。辭。免。承。旨。劄。臣。今。月
三十日。准。閣。門。告。報。伏。蒙。聖。慈。特。授。臣。翰林。學士。承。旨。知。制。誥。者。聞。命。震
驚。不知所措。竊以學士之職。朝選甚高。非唯取文章翰墨之士。蓋亦有應
對顧問之責。而况專承宸命。首冠近班。寵待固異於常員。事任尤艱於虛
授。伏念臣短材極陋。樸學甚迂。遭遇四朝。榮佞之矜。叨塵六職。銓衡之任。
歲月逾邁。齒髮已衰。居常閱簿。領之責。猶有不逮。將使司典冊之任。實謂
非長。自省甚明。實難堪處。伏望皇帝陛下。太皇太后陛下。如天養物。以器
使人。憫察丹誠。許運成命。庶幾驚蹇之勞。不孤履燠之恩。臣無任祈天俟

命激切屏營之至。所有告命未敢祇受。蘇文安公集辭免除翰林學士承旨劄子。右臣准尚書省劄子。六月二十九日。三省同奉聖旨。除臣翰林學士承旨。日下供職者。臣聞命震驚。固知所措。竊以翰苑設官。均為高選。而承旨之職。尤虛不除。歷數中興以來。所授纔二三輩。自非鉅人長德。優有問望者。時克疎此。仰惟陛下。勵精新政。汲汲求材。號召耆英。未聞進用。而臣鬼瑣無恥。決辰之間。再叨誤命。備涯揣分。實所不逮。是敢干犯天威。登竭愚悃。伏望聖慈。許臣只守舊職。道運成漢。改授實能。庶安孤蹤。不累親權。所有恩命。臣未敢祇受。謹錄奉聞。伏候勅旨。周益公大全集三辭免兼翰林學士承旨劄子。臣近再具奏辭免兼翰林學士承旨。伏蒙聖慈。特降詔書不允。恩地隆重。踰於丘山。便當祇體聖意。何敢遽為飾避。然臣竊念分直禁林。美謂高選。服勤文字。乃其職業。若驟進久虛之位。仍加優進之禮。恐雖宿儒舊德。不敢偃然當此。臣是何人。輒爾冒居。縱陛下寵遇微臣。在公論必不容恕。而况經筵史觀。東宮僚屬。比之同列。兼職已多。伏望聖慈。察其情不自安。懼速顛沛。特賜矜憫。許先上件恩命。臣誓竭犬馬之力。圖報天造。取進止。十一月九日。三省同奉聖旨。依已降詔不允。辭免吏部尚書兼翰林學士承旨奏狀。龍光下集。感懼中深。切以文部設

永樂大典卷萬二百五

官。御列三銓之首。禁林分職。命尊一老之承。諒非望實之交乎。安得愚蒙之並受。如臣者。性資昏鈍。問學荒蕪。綿力薄材。事業每居於人後。高官厚祿。選除常在於衆先。分毫未答於殊知。積累更多於幸會。儀曹再至。禮文獲預於討論。翰苑重游。典冊屢參於潤色。已溢研鑿之量。方隆天地之恩。外朝高南省之班。內直冠北扉之秩。求閑而刺。既難強於精神。宜退而迂。亦懼招於議論。思違食饗之誦。寧干適慢之誅。伏望皇帝陛下。明君知臣。慈父愛子。察臣吏才素短。詎應付之銓衡。憐臣筆力已衰。難復責之翰墨。收還異數。改拜實能。庶幾毛珩之清。可踰於魏。毋使鄭綯之密。獨見於唐。聖恩先生集翰林承旨辭免狀。右臣今月初一日。準尚書省劄子。成道奉聖旨。召臣趨赴行在。又奉聖旨。除臣翰林學士。又初七日。保義郎張濟。貴到劄子。成道再奉聖旨。除臣翰林學士承旨。今臣乘流馬疾速前來。赴行在者。臣久淪膏土。忽奉召音。義當不俟駕行。即時奔命。伏念臣昨緣犬馬之疾。致仕已涉四年。久為廢人。無復生理。今者遠蒙君父之記錄。驟拜前後之詔。除仰貧愚。榮豈不願進。顧難強者。老朽之筋力。所自恨者。已廢之餘。止敢祈聖慈。重賜骸骨。伏况臣仰祿為活。口衣食貧。苟非被病之有年。孰肯謝事而辭祿。年齒逾邁。病勢益加。伏望聖慈。察臣前者累懇乞

永樂大典

卷一〇一一五

身具存奏請非緣今日始聞召命乃敢固辭欲乞特賜旨揮許臣休前致仕將理者謹錄奏聞伏候勅旨王初寮先生集辭免翰林學士承旨奏狀

臣今日月日準東上閣門告報已降告命除臣翰林學士承旨者聞命震惶周知所措竊以北門東閣獨承密旨職親地峻實冠儒臣惟時聞出之才乃稱非常之選伏念臣樸拙昧陋久于堙淪親被聖知曠置華近起之既陪恩厚不訾數對清光更蒙天獎而大號令大封拜皆持命當制臣之榮遇蓋無前比遂巡退避猶恐弗勝冒昧超踰其必自殆伏望聖慈洞照危懇追寢成命止令仍舊待罪詞禁庶安愚分未速顛躄所有告命臣未敢祇受臣無任王珪華陽集依御批授翰林承旨奏狀治平四年九月右臣適捧御批已除卿承旨命下便可祇授蓋出朕意者臣竊惟此職朝廷素以待年德之臣而臣名望素微恐不足以進承密旨首班近臣方欲削章陳避而蒙陛下過賜敦諭臣何勝聖眷之隆來日便於閣門承命國朝王廡文山集送蒙古翰林院承旨慶童公序昔唐太宗既定天下乃詔虞褚各以本官兼宏文館學士稽古右文游精太平以建唐家之丕基今天下航浮索引之國罔不臣服民不知兵垂八十年可謂盛矣然武備廢弛土臣日嬉海內繹騷天子亟下哀痛詔以救過宥罪賊負固逆命蔓

永樂大典卷一萬一百五

二十一

衍滋甚天子震怒分兵四出於是慶童公用命拜江浙行中書省平章政事統諸道兵公深沉有大度坐鎮雅俗大議擬大設施咸處置得宜東人倚之為金城馬居數歲天子以公久暴露於外乃召入為蒙古翰林院承旨以備顧問東人以公是行也適與虞褚輩遇太宗時同事更相慶賀欲留之不得乃作歌詩以送之布衣士王廡謂諸東人曰今天子受命於禘清靜公以不世出之材以佐乎其下他日事業豈但虞褚而已然今日之務尤在乎力天下之農勸天下之兵不使市估罷泉弊不使奸宄塞賢路不使賞罰私功過不使盜賊肆殘暴能行斯六者天下之事過半矣東人果誦予言於承旨公則天下幸甚宋韓魏公安陽集次韻答承旨王端明禁局清切擬仙都多病年年絕塞居四海風雷歸舊箬二陸霜霰乃吾廬道同今古猶相照事後鱗鴻不計踈莫謂安恬遂留滯是非終有史臣書蘇魏公集酬鄧承旨召節來從蜀道西遺恩人尚襍青泥禁中手筆由裁制天下英雄在挈攜公屢試多士及知貢舉密議金鑿應有記韓滉承旨有金鑿記登庸石刻貯重題元稹為承旨學士作題名記云十七年中在是職者一十八而九人參大政次年預亦八拜綸閣盛宴仙黿會飛集翩翩五鳳齊是集內外制五人宋景文詩集慶曆初召為學士成餘能

人之出守凡三十年。還拜承旨感而成。林十八年前玷玉堂。當時綠髮此蒼蒼。傷禽從奮怒。瘡重馬。雖還笑齒長。晉侯感前息。日在產之齒。大夫薰罷山。爐飄暗燼。瀨餘銅。挽水去寒漿。須慙清切鑿。坡地不是吾人得。性場許綸涉齋集。周尚書內翰承旨二十韻。弱水蓬萊遠。群山岱嶽高。塵埃千障隔。景行寸心勞。摸索知何自。振翅苦未遭。銅章披宿霧。藻鑿炳秋毫。穹壤懸鵬鷁。篇章抵厲羔。斯文標正脉。與論凜時髦。勇退關吾道。留行切帝裳。風雲開壯觀。舟楫際洪濤。諫履昭魁象。詞瀾卷巨鼇。合官陳縛典。華蓋聚星旄。霽日明黃道。祥風動楮袍。恩波榮救草。顏咫尺。醉仙桃。麻冊追盤詰。詩歌遍頌騷。人方期補衮。功宜在揮毫。地禁承中旨。天官冠列曹。儀刑喜頰牧。步武接夔皋。晝晚登三事。乾坤倚一陶。途長須驥足。用拙匪牛刀。造請神先索。推敲瘞莫搔。未嗟聞道晚。終待郢斤操。元陳剛中觀光。皇承旨忠齋留公以樂只君子。遐不眉壽為韻。太極生乾坤。萬化一索。嵩孰為萬化。宗天其付先。覺偉哉百世士。逸響振木鐸。深衣花木間。清風貌獨樂。皇皇六合間。不朽惟此理。至人妙氣機。乃見混沌始。春風七十年。鶴髮映靚齒。誰知玉靈胷。千載矢天只。公昔坐黃閣。玉鉉宣殊勳。今居石渠。著袖手看浮雲。出處固有意。豈令俗子聞。但存方寸丹。期以酬

永樂大典卷萬百十五

明君。聖明握龍御。六合混文軌。麟閣有老臣。國脉良在是。我我大華山。浩浩黃河水。寂寥百年間。今見歐陽子。仙人白玉關。踏月戲紫霞。坐閱東海水。秋風捲塵沙。爛柯亦偶爾。人世驚咨嗟。龍漢劫運長。誰能測幽遐。蓬萊在何許。縹緲煙濤浮。飛仙駕鸞輪。徑踏金鰲頭。手携五色筆。遊戲三千秋。回語枋榆鷁。識此道遠否。小草有臭味。願附青松枝。况我三世間。受此雨露滋。家庭有勝事。陶冶非公私。稽首拜床下。喜色津頰眉。神京三月春光風。滿宇宙。曉視紫微庭。寶煙篆金獸。豈無魯侯詩。昌熾今猶舊。願泛玻璃卮。起舞為公壽。文館叢書有感呈承旨野莊公滿篋詩章。未得傳微官。束縛正堪怜。靡蕪滿院久。三月首蒼堆。盤無一錢洛。邑家書黃犬。上巴山。舊業于規前。夜聽兒女青燈話。似覺未顏老。去年王文忠公集。借谷張編修韻。呈廉承旨。猛虎蹈檻。弄狡兔。罹豈網。詎知冥冥鴻。層霄渺遐想。巍然光群辟。四海勞景仰。皎皎報國舉。直錯諸枉。兩宮眷方隆。莫厭三公養。我家唐溪上。茅屋粗可居。雖無千木奴。瓜圃連芋區。野老時共席。商論種樹書。田里樂優游。名場謝馳驅。我成付公等。海宇恒晏如。結髮事鉛槧。謬負經綸志。夙心初未忘。用舍有時義。盛時事方殷。臺閣權能吏。君侯念余梓。倦倦不遐棄。知我浩然歸。應動涓陽思。千金衛駿

骨。騏驎爭蹄燕。昭王國已墟。盛事傳千年。物外有高人。揮手蒼崖顛。笑我好
好奇服。楚楚自襄纒。有酒第可飲。且莫分愚賢。漢晉前韻。溪邊燕。爭泥。層
隙。蛛結網。紛紜勞日夕。此外無餘想。殺殺林間鳩。守拙吾所仰。威鳳棲丹
穴。軼駕不容枉。梧桐生高崗。抱籠勤溉養。五王誅兩兒。士民各安居。三
思偶漏網。反墮豺虎區。展卷不能讀。歎息為廢書。處事戒姑息。用斷當疾
驅。眼看前車覆。來者當何如。幼承父師訓。卓然樹微志。遊心惟詩書。躬
行迺仁義。古來為己學。非止儒飾步。時情迂白圭。區區敢棄棄。特立天壤
間。千載有深思。仙人馭蒼鸞。莫楚朝幽燕。下視萬蚩蚩。擾擾知幾年。散
髮沐成池。言旋崑崙夢。中授寶訣一。洗世糾纏。再拜謝嘉惠。但愧非高
賢。次庶承旨韻四首。齊門鼓瑤琴。邛地歌陽春。豈伊和者衆。棄之若
埃塵。永絲間豪竹。哇淫日爭新。派傳亦已久。居然喪天真。鍾期不可作。吾
將與斯人。玉樹照廉泉。草木含芳春。我冠立中朝。群賢仰光塵。世德久
已隆。寵渥今尤新。後樂紹先志。經綸迺儒真。行看翔鳳池。接我區中人。
相門有君子。玉德溫如春。賓廷仰芝眉。浣我胷中塵。公憐臭味同。我樂相
知新。未識心已降。一見情更真。但漸衡門士。因彼青雲人。青松凌歲寒。
大華媚芳春。結根各有所。貞脆隔幾塵。容容夸毗子。采采永棠新。謝朓咏

水樂大典卷二萬一百五

三

遠大礪。礪匪真。真落落。四方志。悠悠千載人。陳秋岩詩。酒病姚承旨見訪
酒病不可解。清涎吐滿床。友勤加飯勸。醫獻養生方。宜屋吟詩懶。春爐
炎藥香。了無名利想。靜坐養神光。貢泰父閩南集。上劉承旨二首。大魚
化溟海。微禽變淮波。我生亦何為。感物常悲歌。念茲秋蘭華。含榮在山阿。
孤貞固自信。採掇將推過。安得紉佩服。襲此芳馨和。泰山不辭壤。河海
不擇流。所以經世者。賢才務旁搜。我願為黍稷。得植君田疇。我願為壘洗
得奉君獻酬。慎莫令棄置。被褐居林丘。蕭勤蕭集。寄廉承旨。嗟余晚聞
道。寡味莫與濟。學農且無成。而敢玷士流。下問脫有人。披簡副所求。何以
佐司成。將貽君子羞。吳澄支言集。別閩承旨贈篇題。欲舊飛刺墨。方新遊
迓百五。聯連十六春。朝廷須老手。館閣著閑身。歲歲山中望。文星麗紫宸。
王惲秋湖集。贈承旨唐壽仰。論士須諧實。相馬先其神。周秦何貴賤。變
化存吾身。唐侯金閩戶。動有鸞鳳馴。飄飄瀚海翮。上拂明月輪。憶初識君
面。轉盼二十春。竭來客京師。君為玉堂臣。時於管中窺。班班見其文。高適
四十詩。便與作者隣。青紅桃李場。天葩散奇芬。有德諒有言。君侯性閑閒。
最愛發策際。不迫意獨臻。理明中事機。士氣借以奮。重念朋友交。敦敦多
不倫。或者一顰笑。意在交相因。令人氣最短。標置分哇吟。愛君略城府。吐

詞爛天真不作崖異舉。不學將說秦。信厚等麟趾。為人解絲琴。所以多士
問。堂堂張吾軍。塞于自結髮。沈愛而親仁。當其立事歲。亦復未蠖伸。長風
萬里浪。增璚無瑕鱗。今雖老伏櫪。尚友心猶振。都城交游海。因依與當親。
如君辱識久。辨與陪翔麟。人事有乖合。對面如離群。徒從尊俎間。一笑傾
冠巾。只今友道衰。耐久將何人。相馬論其力。取友非所樽。天機到沒處。君
今九方歎。心期既有在。形迹不必云。因題樂山詠。聊書代吾勸。虞道園學
古詩寄忽承旨。枝老清江外。依山結數椽。扶藜循水竹。把筆賦雲煙。歲
熱無憂食。秋清不礙眠。故人相望遠。北極在天邊。國朝周筮泉。性情集
奉賢。歐陽承旨圭齋於書臺楊青城宅。時公來衆疾。諧衡嶽降神日。玉堂
承詔時。神仙中人物。鸞鳳上丰姿。鵬駭來龍著。文章天馬奇。日邊辭玉體。
岩下採金芝。來續廬陵譜。兼題六一祠。書臺見顏色。翰墨灑淋漓。雲逸清
湘樹。心懷丹鳳輝。停盃標別鶴。一鴈過天涯。何太虛知非堂。葉寄程承旨
元凱同嚴召。留班錫異恩。聖神思治切。宗社有公存。地立鼇峰峻。天依
鳳闕尊。咎藥併道合。旦與共心論。妙幹時雍化。丕揚祖烈敦。堯文殿大典。
虞采倚昌言。卦氣升疑鼎。星符紫照垣。奇齡歸碩德。寶曆肇皇元。花竹蕃
三谷。雲霞煥九門。相望清畫水。朝下酒盈樽。馬清泉。需庵集上唐承旨。

永樂大典卷一萬一百五十五

二古

山城因野嗟。瘴癘。杜門不出真潛夫。年來底事走京都。九衢塵土盈襟裾。
欲去不去果何意。勉度朝夕如有需。王侯將相可屈指。高堂席地皆甌脫。
悠悠萬事寧復理。左貪右取誇良圖。惜哉麟鳳不世出。凌雲燕雀誰能拘。
四海蒼生望安石。安石不起將何如。置之散地奉朝請。一身進退何舒徐。
長松百尺。野雲。整。挑紅李。白蓋僕奴。袖中自有南風手。太古遺音聊自娛。
括囊無咎亦無譽。請君善保七尺軀。一壺千金俟他日。清風靈雨散八區。
鄙人不達世俗事。作詩來獻非徒諛。吳克恭詩送張夢臣中承拜官翰林
承旨。中丞獻納道如何。內相絲綸寵莫過。槐閣地連文石陛。杏園春滿
曲江波。陰陰雨露深青瑣。箇箇星辰濕絳河。花蓋隔簾宮漏近。柳條當戶
曉鶯鳴。中官送酒青絲絡。上苑乘鸞白玉珂。豈獨寸心圖補報。要須元首
及賡歌。太常禮樂運相問。閣老才名迥不磨。通國此時同悵望。憶公何處
是安地。鰲峯巨石森蓬島。香殿微風拂御羅。延祐得賢俱第一。野人白首
介林阿。元僧盤谷遊山詩。訪翰林承旨盧處道鑿江荆。識過蕪城。聞整琴
書上玉京。范甲胛吞雲澤。關邱斤手握鳳樓。輟日當楓陛。全光照月轉霜
臺。影倍清。將見載春歌一曲。盡翻樂拱入新聲。訪翰林承旨張疇齋
記得灤江登仞墻。黃花五見吐秋香。騷壇不謹雲泥翼。抹月批風笑一場。

永樂大典

卷一〇一一五

王道士竹林清風集美閩承旨 海底珊瑚明月瑤。出為國瑞固難量。文章能事問重譯。雨露深仁及遠方。六合八荒春浩蕩。百家諸子海蒼茫。淮王門下孫登客。選許升堂近耿光。王景初蘭軒集奇閩承旨 陋室神光照夜時。錦囊初得寄來詩。英靈間氣山川在。造化春心草木知。臺築黃金人自遠。鏡垂華髮老誰欺。白雲咫尺西溪路。回首龍門舉步遲。又賀閩承旨 白玉堂前第一仙。手提星斗步青天。銀河泛入銀槎穩。玉斧脩成寶月圓。翰職徒從今日重。才名誰似我公全。山人懶作揮冠夢。獨為斯文喜不眠。陳秋岩詩谷留承旨 東風相送恨綿綿。歌斷陽關緩着鞭。四海交游今已矣。幾回離別各凄然。鷗邊保社期他日。馬上光陰惜壯年。記得向來同夜直。玉堂斜月散金蓮。張西岩詩寄留承旨申齋 上到鰲峯最上時。依然精力不曾衰。小車應召詢時事。大筆承恩草制詞。前輩諸公誰健在。斯文一綫要維持。風姿祗是柯山叟。昨夢分明見奕碁。宋黃裳演山集訪鄧承旨不值 一榻清風勞輾轉。八執閒日想徘徊。不須笑貌方相識。妙響還聞大似雷。國朝僧無詰蘭室軒集贈圭齋承旨二首 天上歸來太史公。江南投老釣絲風。校書盡啓三金匱。賜几頻扶兩玉童。芝草石田春自綠。芙蓉丹鼎日初紅。自憐方廣天台客。也入毗耶丈室中。少日

永樂大典卷一萬一百五

二五

相期汗漫游羽人。相望隔丹丘。上書未得同惜子。覓句徒勞擬貫休。松栢萬蘿終有托。梧桐鸞鳳亦相求。永懷海內霜華老。又泛山陰雪夜舟。國朝僧泐李潭詩送宋承旨歸金華 當代文章伯。朝廷制作新。儲宮賢少傳。開國老詞臣。際遇超今古。優容異等倫。莫歸蓮作炬。前席錦為茵。班固才尤膽。楊雄語大醇。一麟生治世。長紉倚秋旻。仲子金蘭序。佳孫玉樹春。尋常勞聖眷。七十解朝紳。戀闕行猶緩。還家樂更真。都門開祖帳。田里候征輪。未覺鄉音改。其如此志伸。淨名應杜口。善惠必觀身。婺女星辰遍。羅山雨露均。挑燈書細字。置酒洽比隣。白石求真侶。青松結社人。無心誠契理。有道足怡神。自愧非支遁。空知讓許詢。三生情是夢。十載法為親。別去投青簡。秋來覲紫宸。涼風吹彩鷁。携手大江濱。清江貝廷臣詩送詹同文承旨還鄉 奉天殿下親承詔。老著黃冠出紫微。萬里雲霄雙鶴去。時內苑縱二鷄。九江風浪一帆歸。春前載酒黃泥坂。月下吹簫赤壁磯。文采昭回看帝製。山中草木盡光輝。宋劉龍洲詞沁園春 弄筆弄墨。白言天竺。正如西子。濃沫淡粧。臨照臺。二公者。皆掉頭不顧。只管傳盃。白言天竺。去來。圖畫裏。崢嶸樓閣。開愛縱橫。二澗。東西水遠。兩山南北。高下雲堆。通

曰不然。疎影橫斜。暗香浮動。不若孤山先訪梅。須晴去訪稼軒未晚。且此徘徊。元程靈樞集木蘭花慢詞。殿直樓承旨南歸。聖恩天廣大。容此老老江南。甚玉堂無暇。樓臺有地。超出塵凡。此行錦袍玉帶。向紫微垣裏。寄官街。聞道鄉閭。童稚安排。竹馬青衫。聲名要與二疎齊。千古入清談。看雲擁千官。沙堤一道。駐馬停驂。都門兩行楊柳。比尋常翠色。碧於藍。不為東風吹發。猶能挽住征帆。元張養浩雲莊集唐承旨表詞。往游故鄉。章靜德康公門閩翰林承旨學士唐公德若望籍甚。蓋二公道合氣同。尉為當代名勝。去被接納。有不翅龍門登而萬戶封者。走時年二十有四。一見畧齒爵禮。夷賓主。其引重後學。不獨於余然。大德四年夏四月。靜德公卒。明年秋八月。唐公卒。嗚呼。何天不福斯文。使二賢相繼去世。亟耶。維公。姿宇魁秀。襟量豁如。始仕。人以宰輔期之。歷官右司郎中。工部尚書。翰林學士承旨。政聲風節。表表一時。其家居琴書左右。泊然與白屋士埒。事母孝。與朋友義。以誠。雖稠人廣坐。從容應酬。靡不心沃。尤活於權勢。人有幼而相好。長登台鼎者。數相遇。亦不一造門。以答。閑處數年。終不以進取繫懷。然議者恒以不膺柄用為恨。走嘗傳聞公長右司時。或告中書誤釋一囚。世祖怒極。宰屬詰之。吏抱按不知所出。遂告急公。初公以疾在告。未嘗署其

永樂大典卷萬百五

按。公即援筆補之。行且曰。不誤。女恐入見。具本末敷奏。天威遂霽。後吏白於庭中。外嗟異。迄今以為盛談。嗚呼。人固有一言可見平生大節。亦有坐一事軒輊。終身不克伸者。是殆難以幸不幸論也。今人疾吏弊。防欺如鬼。雖案其未署筆。新新不肯下。致至再至三虞。從連已。故為淡墨。際紙細書。其日久漫滅。不可復識。認。又有值敗取。按爪其畫者。政使無悞。且迎合附會。曲為之徵。矧肯明其誣。代其辨。復補署其銜者。豈善跡是論。公使其進登鄉廟。其不為公孫弘之阿旨。隨蘇味道之模稜。兩端也。審矣。古人謂細事如此。大亦宜然。惜乎天不俾余言之效於世也。公諱仁祖。子壽卿。畏吾人。其履歷之詳。見叅議瓢山王公墓誌。詞曰。穹壤間正大氣。生才發於德。苟非其人。巧未襲取。亦弗克。於鑠我公。量宏學博。德崇精。蓋任卓然。人謂他年秉鈞。必歷三顯官。身同寒士。見冰蘖。下文不漬。應酬雍容。儀靡忒。彼貴而頰。見且逃之。矧肯即。或舍或厲。略不介懷。惟自得。曩畏西曹。代吏辨誣義。形色。胃。厥雷。遣。一語回天。汗群辟。有美如斯。逝不以年止。半百使大殿。施。薄俗。可還。今可革。謂天漠如。倒。柶。昇人。曾弗惜。謂天嫩如。漢獨於賢。乃爾。盡。殿理。孰凡。非始。今為。來自。昔。我挽以詞。北京之憾。庶少釋。

永樂大典卷之一萬二百十五

永樂大典卷之一萬二百十五

二十七

永樂大典

卷一〇二一六